



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 59. Siamensis Legatio ad Franciæ Regem.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

§. LIX.

*Siamensis Legatio ad Franciæ Regem.*Sæc. XVII.
A. C. 1688.

Jam dudum Viri Apostolici natione Galli, qui in Siamensi Regno Catholicæ fidei veritatem propagaverant, apud Naraïem Regem instabant, ut cum Galliarum Rege foedus iniret, hancque in rem Oratores Parisios decerneret: Huic consilio suffragabatur Constantinus Pharck seu Phaulk natione Græcus, qui Anglicanis negotiatoribus sese adjungens, in Indias venit, ubi ob ingenii præstantiam, liberalitatem, & magnificentiam Siamensi Regi percharus, ad primarii Ministri honores ab eo evehctus est. Anno hujus sæculi octogesimo secundo Catholicam religionem professus, Regem suum eo induxit, ut pro commercii augmento, & Regni securitate contra Hollandorum infestationes servanda Legatos ad Franciæ Regem ablegaret: Annuit Rex, qui etiam biennio post tres Legatos Gentiles unacum P. Tachard Jesuita (*), qui interpretis vices agebat, Parisios decrevit. Hi ergo Regis sui nomine commercii societatem, Regisque Gallici amicitiam expetebant, rogabantque, ut

Pufend. introd. a l'hist. l. 6. cap. 5. Choisy t. 2. pag 91.

(*) Vide ad calcem hujus libri epistolas hanc in rem scriptas.

Sec. XVII. ut eis iterum Viri Apostolici submitte-
A. C. 1688. rentur, eo quod ipsorum Rex, omnes-
 que populi Catholicæ fidei nomen dare
 parati essent, vicissim vero Constanti-
 nus Gallis polliceretur, se urbem *Bancok*
 eis cessurum, ea lege, ut ipsis Franciæ
 Rex Architectos militares, argentum
 & naves submittere vellet: Minus hæc
 propositio arridebat Calvimontio E-
 quiti & Abbati de Choisy, nihilominus
 Pater de la Chaise a Rege ea, qua au-
 ctoritate valebat, facile impetravit, ut
 juxta Legatorum petita coloniæ in hoc
 Regno erigerentur, & præfatus Calvi-
 montius ad Siamenses tanquam Lega-
 tus decerneretur; cui adjunctus est Fur-
 binus Eques, qui urbem *Bancok* que
 veluti imperii clavis erat, in propugna-
 culum reduxit, ac copioso milite Gallo
 & Siamensibus firmavit. Adeo facie-
 lem sese hisce Legatis præfuit Ludo-
 vicus Rex, eo quod probe perspectum
 haberet, Europæos Missionarios huc-
 usque particulari favore, ac Siamen-
 sis Regis patrocínio in hoc Regno tutos
 ac bene habitos fuisse: Confecto igitur
 negotio hi Legati pretiosis donis hono-
 rati ad patriam reverti parabant, orta
 autem immani tempestate vix non omnes
 naufragio periere: quocirca Siamensis
 Rex rursus alios decrevit Oratores,
 qui anno hujus sæculi octogesimo sexto
 die

die octava Julii ad Gallici Regis allo-
 quium admissi, Regis sui literas, ac
 magna Orientis munera obtulerunt,
 vicissim illi longe pretiosioribus hono-
 rati in Regnum suum unacum duodecim
 Viris Apostolicis rediere, quorum
 opera permulti Siamenses ad Christia-
 nam fidem conversi sunt. Die autem
 vigesima tertia Decembris Romam de-
 lati summo Pontifici Regis sui nomine
 amplitudinis, & Sanctitatis famam gra-
 tulati sunt, his vicissim Papa potentiae
 amplitudinem, & praecipue affectum
 erga fidem Catholicam & conversionis
 gratiam precatus est. Attamen Opra Pet-
 cheratchas, seu Petraatia Mandarinus
 intercepto Regis Palatio, & Constantino
 in vincula coniecto postquam cunctos
 Europæos armis spoliaverat, ac conjura-
 torum ope occisis duobus mortui Regis
 fratribus Regnum sibi vendicaverat,
 omnes Gallos e Regno ejecit, ac sa-
 luberrimum propagandæ fidei negotium
 non modo intercudit, sed etiam sævissi-
 mæ Catholicorum vexationis causa ex-
 stitit; Regni enim usurpator Metro-
 politanum, decemque Missionarios, qui
 in Siam permanerant, cum aliis na-
 tione Gallis capi, catenis constringi
 ac quotidianis iisque durissimis tor-
 mentis cruciari jussit, cunctosque Eu-
 ropæos e Regno proscripsit.

Pp 2

§. LX.

Sæc. XVII.
A. C. 1688.